

C2 „Rasaki investigacija”

Ando bêš 1936 teljardja e „Rassenhygienische und Bevölkerungsbiologische Forschungsstelle im Reichsgesundheitsamt“ ando Berlino jek „rasako investigacijako projekto“ pa l' Sinti taj pa l' Rom ando Njamco, ande Austrija taj ande regionur kata e adjesuji Česoski Republika. O projekto kêrdja palaj maj dur bući ande kooperacija la Institucijasa palaj Kriminalno Biologija. La ivestigacijako direktoro o Robert Ritter taj leski asistentkinja e Eva Justin cirtisarde geneologijakê kopača kata Sinti taj Rom, kaj sîkavenas lengi geneologijaki řêdêčina vunivar maj but ži ka šêl bêš plapale. Von lenas e mêsura kata manušêngo trupo taj kèrenas fotografije taj registruinas le manušêngi rateski grupa taj vi lengi balengi taj jakhêngi farba.



1910

1950

1936

💡 Žanglen tumen

...kê pala o bêš 1941 hazninas le gaže kadala liste palaj selekcija taj deportacija le Romengi taj Sintongi ande KZ-ura?

✎ Tumari bući

So kamlja o fotografo kodole patretosa? Informirin tumen, te sî ande tumaro them kasave raj save maj roden date paj „rasa”.

📷 Paj fotografija

La „rasako higieničari“ o Robert Ritter (pe čači rig) taj jek kata leskê asistentur len jek rateski proba kata jek têrni njamcoski Sintica. Kača fotografija kata o bêš 1936 služilas palaj investigacijaki dokumentacija. Deutsches Bundesarchiv Koblenz/Deutschland.



<https://www.romasintigenocide.eu/kalderasch/c>